

19. Přetož jako běch swobodny wot wšitkich, sčinih so služownik wšitkich, zo bych jich wjaey dobył.\*

20. A buch Židam jako Žid, zo bych Židow dobył;

21. Tym, kotřiž su pod zakonjom, (buch) jako bych pod zakonjom byl (runjež sam pod zakonjom njejsym), zo bych tych, kotřiž běchu pod zakonjom, dobył;\* tym, kotřiž běchu bjez zakonja, (buch) jako bych bjez zakonja byl (runjež bjez zakonja Božeho njejsym, ale sym w zakonju Khrystusowym), zo bych tych dobył, kotřiž běchu bjez zakonja.\*\*

22. Buch slabym slaby, zo bych slabych dobył.\* Wšitkim buch wšitko, zo bych wšitkich zbóžnych sčinił.

23. Wšitko pak činju evangelia dla, zo bych na nim džěl dóstal.\*

24. Njewěsće, zo ći, kotřiž w běhańcy běža, drje wšitcy běža, ale jedyn myto dóstawa? Běžće tak, zo je dosahnjeće.\*

25. Kóždy pak, kotryž wojuje, zdzeržuje so wšoho, a woni drje, zo bychu

zakhodnu krónu dóstali, my pak njezakhodnu.\*

26. Ja tohodla tak běžu, nie jako na njewěste; tak wojuju, nie jako do powětra bijo:\*

27. Ale khostam swoje ćelo a honju je do poddanstwa, zo bych trjebaj, hdyž sym druhim předował, sam začisnjeny njebył.\*

## STAW X.

Spominajo na njezakownych Židow, wšelakich hrěchow dla wot Boha časćišo khostanych, chce Korinthskich wot podobnych wotdzeržować. Wo ćłowjeskim spytowanju a wo pomocy Božej při spytowanjach. Nic jeno přibóžstwa maju so wotrjec, ale tež hosćiny tajkich, kotřiž woporne mjaso wužiwaju, zo by so njezdalo, jako bychu podžěl měli na přibohach, a zo bychu slabym k pohórškeje njebyli.

**P**řetož njecham wam zamjelćeć, bratřa, zo běchu naši wótcowje wšitcy pod mróćelu, a wšitcy přez morjo přeńdžechu,\*

2. Mójz. 13, 21; 14, 23.

2. A wšitcy buchu w Mójzesu křćeni w mróćeli a w morju,\*

3. A wšitcy su tu samu duchownu jědz jědli,

2. Mójz. 16, 15.

19. t. r. nikomu njejsym poddan, dokelž wot nikoho njewotwisuju; služach tola wšitkim, zo bych jich za evangelium dobył. — 21. t. r. hač runje pod židowskim zakonjom njejsym, dokonjam tola, štož zakon žada, zo bych tych za Khrystusa dobył, kotřiž su pod zakonjom, t. j. Židow. \*\* Pola pohanow, kotřiž zakonja nimaju, njejsym tež ja po židowskim zakonju žiwy, nie jako bych žanoho zakonja Božeho kedžbu njeměl a tak pohanam runja byl, dokelž wostanu pod Khrystusowym zakonjom, kotryž wšitke hłowne kaznje Mójzesoweho zakonja wobsahuje. — 22. t. r. w spóznaću křescánskich wěrnosći njedospołnym, tajkim, kotřiž wěste prikaznje židowskeho zakonja tež w křescánskej wobkedžbowachu, so podobny sčinih, je tež wobkedžbujo; to wšo činjach, sebje zaprěwajo, zo bych wšitkich k zbóžnosći přiwjedł. — 23. Tak sym žiwy a tak skutkuju, zo bych tež sam plody evangelia dóstał. — 24. Zo by Korinthskich za sebjezaprěće, kajkež sebi evangelium žada, zahorił, přiruna prócowanje wo wěčnu zbóžnosć z dobyćom myta, kotrež zjawne hry w Korinthskej blizkosći tomu wudžělichu, kotryž při běženju najpřěni na postajene město přiběža; wšitcy, kotřiž wo myto wojuja, běža, ale jeno jedyn, najpřěniši, je dóstanje. — 25. Měsacy dołho přiřotowachu so tamni, kotřiž cheychu w běhańcy běžec, zo bychu zakhodnu krónu dobyli, zdzeržowachu so wšoho, štož by móhło jich móć slabić, hladachu, zo bychu spěšne stawy měli; tak maju so tež wšitcy, kotřiž chcedža njezakhodnu krónu wěčneho žiwjenja dobyć, wšoho so zdzeržec, štož jim přitom zadžěwa, a tak běžec a tak wojować, zo wěčne myto dobuđu. — 26. Japoštoł je sam přikład tajkeho wojowanja, a runje měri so na swojeho přećiwnika, zo by jeho trjechił. — 27. Tónle přećiwnik je jeho ćelo, t. r. zle nakhilnosće, kotrež dobyću wěčneje zbóžnosće zadžěwaju, a kotrež dyrba so předobyć.

X. 1. Z pokazowanjom na wótcow zbudžuje japoštoł strach, zo móža, byrnje wěřili a křćeni byli, tola zhubjeni być; přetož do wěčneje zbóžnosće móža jeno přinć, wostanu-li swěřni hač do kónca. Židowscy buchu wšitcy z Egiptowskeje wumóženi, z jenajkimi hnadami wot Boha wobdžěleni, a tola njepräńdžechu wšitcy do slubjeneho kraja; mróćel, t. j. tamny mróćelowy a w noy wohnjowy stołp, kotryž na puću z Egiptowskeje před Israelitami džěše. — 2. Překhod přez čerwjene morjo pod Mójzesowym nawjedowanjom ma wěstu podobnosć ze křćenću, dokelž jako so přez křćenću do noweho zakonja zastupuje, tak zastupichu Židža, čerwjene morjo překročiwiši, do stareho zakonja; čerwjene morjo je předznamjo křćenškeje wody, wohnjowy stołp je předznamjo Ducha swjateho.